

Cultor et extreme faciem signantis arene.

Hei michi quod signum, quae lingua, quis aeris huius

85 Presul ad usque nigros mea vulnera detulit Indos.

Hec prius expedias, satis ad quesita redibo

Responsura tibi, dic quo modo noveris ista.

VIATOR.

Sedibus e variis docuit me Fama volasse

Innumeras gentes, volucrique per aera saltu

90 Alta sedens curru, tremulo comitata cliente,

Effrenis subvecta rotis discursibus implet

Aerios campos variis confisa loquelis.

Sepe tuum miserata malum tua bella canebat.

O quanto strepitu quantoque sub axe boatu

95 Sepius his nostras verbis conterruit aures:

‘Viribus imperii totis iuratur in arma

Degeneratque prior gravitas Latialis, at illa

Transalpina domus viduatur amore furenti.

Ad Latii crassatur opes imposta iuventus.

100 Tuque sub Augusto duo sceptrā, Lemane, tulisti:

Armigravem Renum, precium diadematis urbem.

Gens etiam faretris et acuto nota galero

Impia, bruta nimis, calamorum millia portat.

Nec tamen hiis sese valet exatiare tyrannus

105 Nequicieque modos omnes expendit in uno.

Eloquar an sileam, quid monstra tyrannica temptent?

Ha scelus infandum, quod nulla nec orreat auris,

In pecudem brutescit homo ratione relictā.

Impiat ora, manus, tumidusque superbit ad astra,

110 Erigit ecce sibi statuam Babilonius heros.

Imperat, edicit, populusque coactus adorat.

Privat honore bonos et iniquis premia solvit.

Mactat honore malos flammisque recenditur insons.

Una columba gemit, sceleratus adulterat illam

115 Infami numero, celumque remiscet Averno.

Omnia confundit, perit et reverentia celi,

Mors furit in terris, ubi preminet ebria virtus.

Quid puer in populum, quid contra millia solus?

In consorte suo iam vester seviat ensis,

120 Set quod in usque Deum vos efferat impius ardor,

Non pudet incepti, quod et omnibus una sititur

Ambrosiana domus tantisque lacessitur armis?’

85 ‘nostra’ Hs. 91 ‘Efferenis’ Hs. ‘imples’ Hs. 118—120 sind dunkel.

89 Aen. VI, 706 ‘innumerae gentes’. 90 Aen. VI, 837 ‘Alta sedet’.
93 Aen. IV, 14 ‘quae bella . . canebat’. 102 Georg. II, 125 ‘gens illa
. . non tarda pharetris’. 106 Aen. III, 39 ‘Eloquar an sileam’?